



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka (“Službeni glasnik BiH” broj 95/12), člana 25. Pravilnika o godišnjim finansijskim izvještajima političkih stranaka (“Službeni glasnik BiH” broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka (“Službeni glasnik BiH”, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2012. GODINU **STRANKE PENZIONERA – UMIROVLJENIKA BIH**

Broj: 03-07-6-529/13
Sarajevo, 30. juni 2014. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Stranke penzionera-umirovljenika Bosne i Hercegovine za 2012. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), koji je bio na snazi do 04.12.2012. godine, Zakona o finansiranju političkih stranaka ("Službeni glasnik BiH" broj: 95/12), koji je na snazi od 05.12.2012. godine i članom 15.10 Izbornog zakona BiH, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu obavljenog pregleda godišnjeg finansijskog izvještaja za 2012. godinu, utvrđeno je da je Stranka penzionera-umirovljenika BiH prekršila odredbe člana 8. stav (1) i člana 11. stav (1) i (3) Zakona o finansiranju političkih stranaka, koji je bio na snazi do 04.12.2012. godine.

Pregledom, odnosno kontrolom finansijskih izvještaja, nismo zapazili ništa značajno, osim gornje napomene, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Stranke penzionera-umirovljenika BiH za 2012. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka ("Službeni glasnik BiH" broj: 96/13) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH" broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka penzionera-umirovljenika BiH je iskazala prihod u iznosu od 159.958,79 KM, što je prikazano u narednoj tabeli:

Red. br.	Vrsta prihoda	Iznos u KM	Učešće u uk. prihodu %
1	Članarina	82.103,00	51,33%
2	Prilozi fizičkih lica	2.568,00	1,61%
3	Prilozi pravnih lica	20,00	0,01%
4	Prihodi od imovine	115,96	0,07%
5	Prihodi od pr.lica	0,00	0,00%
6	Prihodi od poklona	1.800,00	1,13%
7	Prihodi iz budžeta	73.351,83	45,86%
	Ukupni prihodi:	159.958,79	100,00%

U godišnjem finansijskom izvještaju Stranka penzionera-umirovljenika BiH je iskazala ukupne rashode u iznosu 207.476,92 KM.

2. PREDSTAVLJANJE POLITIČKE STRANKE

Naziv političke stranke: Stranka penzionera- umirovljenika BiH. Skraćeni naziv stranke je SP-U BiH. Politička stranka je upisana u registar političkih organizacija kod Kantonalnog suda u Sarajevu, rješenjem broj: R-I-4/02 od 23.04.2012. godine. Sjedište političke stranke je u Sarajevu, Azize Šaćirbegović br. 2.

Lica ovlaštena za zastupanje stranke su: Mehmed Nurkanović, predsjednik stranke, Salko Isak, zamjenik predsjednika, i Ana Baltić, potpredsjednik stranke.

Lice ovlašteno za podnošenje finansijskih izvještaja za 2012. godinu je Azijada Lagumdžija.

Prema podacima iz godišnjeg finansijskog izvještaja za 2012. godinu, organizacionu strukturu Stranke penzionera- umirovljenika BiH čine:

- Glavni odbor Stranke penzionera-umirovljenika BiH,
- 9 Kantonalnih odbora Stranke penzionera-umirovljenika BiH,
- Organizacioni dio Stranke penzionera-umirovljenika BiH Brčko Distrikt BiH,
- Gradski odbor Stranke penzionera-umirovljenika BiH Mostar, i
- 69 općinskih odbora Stranke penzionera-umirovljenika BiH.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Stranke penzionera-umirovljenika BiH za 2012. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Stranke penzionera-umirovljenika BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja, sa posebnim naglaskom na priloge fizičkih i pravnih lica, prihode iz budžeta i troškove kampanje.

4. PRETHODNE KONTROLE I REVIZIJE

Služba za reviziju je izvršila pregled i reviziju godišnjih finansijskih izvještaja Stranke penzionera-umirovljenika BiH u periodu od 2005. do 2010. godine, nakon kojih su izdati izvještaji o reviziji, odnosno izvještaji o pregledu sa mišljenjem revizora, nalazima i preporukama revizije.

Služba za reviziju izvršila je reviziju godišnjeg finansijskog izvještaja Stranke penzionera-umirovljenika BiH za 2011. godinu, nakon koje je izdat izvještaj o reviziji sa mišljenjem revizora i preporukom stranci da vrši prijavljivanje priloga-nenovčanih donacija, da ne prima zabranjene priloge, da vodi evidencije o svojim prihodima i rashodima, da poštuje i druge propise, prevashodno porezne, iz kojih proističu dodatne obaveze i troškovi, koje politička stranka treba izmirivati i evidentirati u poslovnim knjigama i finansijskom izvještaju koji podnosi Centralnoj izbornoj komisiji BiH i da uspostavi potpune evidencije o svim poslovnim događajima, skupa sa njihovim prometom tokom poslovne godine.

Nerealizovane preporuke:

Na osnovu uočenih nedostataka u godišnjem finansijskom izvještaju za 2012. godinu, utvrđeno je da Stranka penzionera- umirovljenika BiH nije ispoštovala sve date preporuke.

5. NALAZI I PREPORUKE

5.1. NALAZI

a) **Pregledom godišnjeg finansijskog izvještaja i druge dokumentacije, utvrđeno je da je Stranka penzionera-umirovljenika BiH prekršila odredbu člana 8. stav (1) ¹ Zakona o finansiranju političkih stranaka koji je bio na snazi do 04.12.2012. godine.**

Prema podacima koje je dostavila Općina Jablanica², utvrđeno je da je Općinski odbor Stranke penzionera-umirovljenika BiH Jablanica u 2012. godini koristio bez naknade kancelariju, površine 24

¹ U skladu sa odredbom iz člana 8. stav (1) tada važećeg Zakona o finansiranju političkih stranaka, državni, entitetski i kantonalni organi, organi Brčko Distrikta BiH, organi opštinskih i mjesnih zajednica, javne institucije, javna preduzeća, humanitarne organizacije, anonimni donatori, vjerske zajednice, kao i pravna lica u kojima uloženi javni kapital iznosi najmanje 25% ne mogu da finansiraju političke stranke.

² Akt Općine Jablanica broj: 04-1-14-857/13 od 03.05.2013. godine.

m², u vlasništvu ove općine, čime su prekršene odredbe člana 8. stav (1) Zakona o finansiranju političkih stranaka, koji je bio na snazi do 04.12.2012. godine.

b) Stranka penzionera-umirovljenika BiH nije ispoštovala odredbe člana 11. stav (1) i (3) Zakona o finansiranju političkih stranaka, koji je bio na snazi do 04.12.2012. godine³.

Stranka u svojim poslovnim knjigama nije evidentirala niti je u godišnjem finansijskom izvještaju iskazala sve rashode, čime je prekršila odredbu člana 11. stav (1) i stav (3) Zakona o finansiranju političkih stranaka koji je bio na snazi do 04.12.2012. godine.

- Uvidom u godišnji finansijski izvještaj utvrđeno je da Stranka penzionera-umirovljenika BiH nije podnijela obrazac 4-1 (režijsko-administrativni i ostali troškovi) za OO Bihać, a prema podacima koje je dostavila Općina Bihać, stranka je imala troškove zakupa u iznosu 298,80 KM. Time što nije dostavila obrazac, stranka je prekršila odredbe člana 5. Pravilnika.
- Stranka je u obrascu 4-1 (Režijsko-administrativni i ostali troškovi) godišnjeg finansijskog izvještaja i poslovnim knjigama iskazala troškove takse za ovjeru učešća na Lokalnim izborima 2012. godine u iznosu od 8.800,00 KM. Obzirom da su stranci vraćena sredstva po osnovu takse od Ministarstva finansija BiH u iznosu od 3.600,00 KM, trošak takse za ovjeru učešća iznosio je 5.200,00 KM. Nepravilnim evidentiranjem troškova u poslovnim knjigama kao i njihovim pogrešnim iskazivanjem u finansijskom izvještaju stranka je uvećala ukupne rashode stranke i time prekršila odredbe člana 20. i člana 21. Pravilnika.

Troškovi izborne kampanje

Prema podacima iz godišnjeg finansijskog izvještaja, Stranka penzionera-umirovljenika BiH je iskazala troškove propagande u iznosu 35.518,98 KM.

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM⁴ po biraču u svakom izbornom krugu, prema broju birača koje je objavila Centralna izborna komisija BiH. Stranka penzionera-umirovljenika BiH je, prema podacima Centralne izborne komisije BiH, u svrhu izborne kampanje mogla da potroši 322.608,30 KM.

5.2. PREPORUKE

Preporučuje se Stranci penzionera – umirovljenika BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da se ne finansira iz zabranjenih izvora,***

³ U skladu sa odredbom člana 11. stav (1) Zakona o finansiranju političkih stranaka, koji je bio na snazi do 04.12.2012. godine, stranka je obavezna voditi evidencije o svojim prihodima i rashodima.

U skladu sa odredbom člana 11. stav (3) Zakona o finansiranju političkih stranaka, koji je bio na snazi do 04.12.2012. godine, stranka je obavezna podnositi finansijski izvještaj u formi koju odobri Centralna izborna komisija Bosne i Hercegovine. Sadržaj, forma, način i drugi detalji izvještavanja u 2012. godini uređeni su tada važećim Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06).

⁴ Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

- *da vodi potpune evidencije o svojim rashodima i*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

Stranka penzionera-umirovljenika BiH nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2012. godinu koji je stranci dostavljen 16.06.2014. godine.

Šef Odsjeka za revizijske poslove

Sanja Tošović

Šef Službe za reviziju

mr.sc. Hasida Gušić

Revizor

Veliborka Kenjić

Pomoćnik revizora

Anela Burdžović Kapić